

# Veni Creator Spiritus

C. Gregoriano

Ven - ni Cre - a - tor Spi - ri - tus,  
men - tes tu - o - rum vi - si - ta,  
im - ple su - per - na gra - ti - a,  
quæ tu cre - as - ti, pec - to - ra.

Qui diceris Paraclitus,  
altissimi donum Dei,  
fons vivus, ignis, caritas  
et spiritalis unctio.

Tu septiformis munere,  
digitus paternae dexteræ  
tu rite promissum Patris  
sermone ditans guttura.

Accende lumen sensibus,  
infunde amorem cordibus,  
infirmi nostri corporis,  
virtute firmans perpeti.

Hostem repellas longius  
pacemque dones protinus;  
ductore sic te prævio  
vitemus omne noxium.

Per te sciamus da Patrem  
noscamus atque Filium,  
teque utriusque Spiritum  
credamus omni tempore.

Deo Patri sit gloria,  
et Filio qui a mortuis  
Surrexit, ac Paraclito,  
in sæculorum sæcula.

A - men.